

2025

GODIŠNJI IZVJEŠTAJ O RADU UDRUŽENJA
„BOLJA BUDUĆNOST“ TUZLA



Impressum

Izdavač:

Udruženje žena Romkinja „Bolja budućnost“ grada Tuzla

Za izdavača:

Indira Bajramović

Tekst pripremili i uredili:

Amra Čaškić i Kunto Omar

Štampa:

„OFF-SET“ štamparija Tuzla

Tiraž:

Elektronska verzija

Udruženje žena Romkinja „Bolja budućnost“ grada Tuzla, 2026. godina
Sva prava zadržana

Kontakt:

Hadži Hasan age Pašića bb, 75000 Tuzla, BiH

Telefon/fax: +387 35 298 001

E-mail: info@bolja-buducnost.org

Facebook: boljabuducnost.1

Instagram: bolja_buducnost

Twitter: Boljabuducnost1

Stavovi izneseni u ovoj publikaciji isključiva su odgovornost izdavača i ne odražavaju stavove donatora.



Sadržaj:

1. Uvod	3
2. Kratak pregled godišnjih aktivnosti i postignuća	4
3. 2025. godina u brojkama	5
4. Pregled ključnih projekata realiziranih u 2025. godini	8
5. Druge aktivnosti udruženja	16
6. Partnerstva i saradnja	19

1. Uvod

Poštovani/e članice, saradnici/e, donatori i prijatelji/ce našeg udruženja,

sa radošću vam predstavljamo godišnji izvještaj o radu Udruženja žena Romkinja „Bolja budućnost“ grada Tuzla za proteklu godinu. U ovom izvještaju sumiramo naše aktivnosti, projekte i postignuća, te pružamo uvid u sve napore koje smo uložili kako bismo unaprijedili život zajednice koju podržavamo.

Godina iza nas bila je puna izazova, ali i značajnih uspjeha. Kroz različite projekte, edukacije, kampanje i inicijative osnažili smo žene i mlade, promovisali inkluziju i ravnopravnost, ali najvažnije je da smo uspjeli odgovoriti na konkretne potrebe naših korisnika/ica. Sve to ne bi bilo moguće bez podrške naših partnera, donatora, saradnika, članova, naših porodica i svih onih koji dijele našu viziju i misiju.

Ovaj izvještaj je prilika da predstavimo rezultate naših aktivnosti, ali i da zahvalimo svima koji su nas podržavali, inspirisali i pratili na našem putu. Sa novom energijom i entuzijazmom i s ciljem još većeg doprinosa zajednici, nastavljamo naše djelovanje i u narednoj godini.

S poštovanjem,

Indira Bajramović, direktorica

Udruženje žena Romkinja „Bolja budućnost“ grada Tuzla

Tuzla, Januar 2026.



Fotografija: Nacionalni okrugli stol, „Transformativno obrazovanje: Osnaživanje marginaliziranih žena i djevojaka za bolju budućnost“; Oktobar 2025. godine

2. Kratak pregled godišnjih aktivnosti i postignuća

U 2025. godini, romska populacija u Bosni i Hercegovini suočava se sa značajnim izazovima u oblasti socijalne inkluzije, uključujući ograničen pristup obrazovanju, zapošljavanju, stanovanju, zdravstvenoj zaštiti i zaštitu od diskriminacije. Posebno su marginalizovane Romkinje, zbog kombinacije sistemskih prepreka i nedostatka sveobuhvatne institucionalne podrške.

Aktivno smo učestvovali u izradi novog *Akcionog plana za socijalnu inkluziju Roma i Romkinja za period 2026–2030*, kao i u *Operativnom planu Vijeća Evrope*, dajući doprinos kroz istraživačke nalaze, preporuke i praktične prijedloge. Učestvovali smo i na brojnim radionicama, seminarima i edukacijama, čime smo širili kapacitete udruženja i osnažili naše zagovaračke aktivnosti.

Aktivno smo učestvovali u radnim sastancima sa institucijama, Agencije za ravnopravnost spolova, Ministarstva za ljudska prava i izbjeglice BiH, OSCE misije i Delegacije EU, gdje smo razmjenili iskustva, predstavili naš rad i *doprinijeli kreiranju politika za zaštitu prava i socijalnu inkluziju Roma i Romkinja*.

Posebno smo ponosni na projekte koji *doprinosu direktnoj podršci zajednici*. U saradnji s Ministarstvom za ljudska prava i izbjeglice BiH i Domom zdravlja Tuzla, obezbijedili smo ultrazvučni aparat za srce koji koristi šira zajednica, uključujući i romske građane/ke.

Doprinijeli smo i kreiranju publikacije „*Romski identitet, povijest i kultura*“, čiji će materijali biti uključeni u nastavni program u Hercegovačko-nervetvanskom kantonu kako bi se smanjile predrasude i diskriminacija prema Romima.

U okviru projekta „Pravo na budućnost“, uz podršku Evropske unije i partnerskih organizacija, *obučili smo 11 mladih vršnjačkih edukatora iz romskih zajednica*. Oni su realizovali više od 200 radionica i kampanja u različitim lokalnim zajednicama, osnažujući mlade i jačajući njihove leaderske, komunikacijske i facilitatorske vještine.

Značajan smo dio zajedničkog programa „Akcelerator rodne ravnopravnosti“ koji provode UN Women, UNFPA, UNICEF i UNDP, a čiji je fokus na okončanje nasilja nad ženama i djevojčicama, ekonomsko osnaživanje i povećanje učešća žena u liderstvu. Kroz ovaj program, više od 120 učesnika i učesnica radilo je na jačanju koordinacije sistema zaštite i osnaživanju žena.

Osim toga, naš rad uključivao je saradnju s ambasadama, međunarodnim organizacijama i drugim partnerima, čime smo osigurali vidljivost i prepoznatljivost našeg doprinosa unapređenju položaja romske zajednice, posebno Romkinja, i jačanju socijalne inkluzije u Bosni i Hercegovini.

3. 2025. godina u brojkama

Zdravstvene i socijalne intervencije



Ukupno korisnika/ica: 168



Aktivnosti: vještačenja, lični dokumenti, lijekovi, preventivni pregledi, edukativne radionice, prehrambeni paketi, psihološki i laboratorijski pregledi

Aktivnosti sa zajednicom: dezinfekcija, dezinsekcija i podjela higijenskih paketa



Ukupno korisnika/ica 650



Edukativne radionice: 120 (97 žena, 23 muškarca)



Preventivni pregledi: 130 (30 korisnica dobilo lijekove)



Higijenski paketi: 100, obuhvaćeno 400 korisnika/ica

Peer edukacije i kampanje mladih



Ukupno korisnika/ica: 451



Peer edukacije: 288 mladih
148 djevojčica, 140 dječaka



Kampanje: 163 učesnika/ca
Tuzla, Visoko, Doboј, Kakanj

Korisnici/ice u kancelariji

Ukupno korisnika/ica: 359 (267 žena, 92 muškarca)



Sastanci i institucionalna saradnja



Sastanci sa institucijama: 62 učesnika/ca (55 žena, 7 muškaraca)



Skupštine i sastanci Ženske romske Mreže: 64 učesnika/ca (52 žene, 12 muškaraca)



Ukupno: 126 učesnika/ca

Fokus grupe i treninzi

Fokus grupe (CERV): 34 učesnika/ca (27 žena, 7 muškaraca)



Trening na temu "Holokaust nad Romima": 25 učesnika/ca (18 žena, 7 muškaraca)



Edukativne sesije i Program E



Edukativne sesije: 100 učesnika/ca



Program E: 33 učesnika/ca



Community Score Card: 25 učesnika/ca (20 žena, 5 muškaraca) + 7 članova/ica tima i 7 predstavnika/ca institucija/zajednice

Nacionalni okrugli stol „Transformativno obrazovanje



25 učesnika/ca iz
ministarstava,
Centra za socijalni
rad, policije i NVO

Projekt Global Fund for Women



Ukupno korisnika/ica: 398
(328 žena, 70 muškaraca)

MIT tim – interventni tim



Evidentirano: 213 lica (151 žena, 62 muškarca)



Djeca: 27 (18 ženske, 9 muške)



Smještaj u prihvatilište: 8 djece (4 ženske, 4 muške)

Ukupno korisnika/ica svih aktivnosti: ~ 4.469

Tačan broj korisnika/ica koji su posjetili kancelariju u protekloj godini je vrlo teško utvrditi, s obzirom da se intervencije rade svakodnevno, dok se obavljaju i drugi redovni poslovi Udruženja.

Naravno, kako smo radili od početka osnivanja Udruženja, naša vrata ostaju otvorena za sve korisnike/ice.

4. Pregled ključnih projekata realiziranih u 2025. godini

Tokom 2025. godine, Udruženje žena Romkinja „Bolja budućnost“ realizovalo je niz značajnih projekata usmjerenih na unapređenje položaja Roma i Romkinja u Bosni i Hercegovini, jačanje socijalne inkluzije, rodne ravnopravnosti i zaštite ljudskih prava. Projekti su obuhvatali širok spektar oblasti – od prevencije nasilja i ranih brakova, osnaživanja mladih, zdravstvene zaštite, do očuvanja romskog identiteta i jačanja kapaciteta institucija i zajednica.

Institucionalna podrška udruženju žena Romkinja “Bolja budućnost”

Projekt: Institucionalna podrška Udruženju žena Romkinja „Bolja budućnost“ grada Tuzla – OAK Fondacija

Opis: Projekt je imao za cilj jačanje kapaciteta Udruženja, osnaživanje članica i korisnika/ica, te zagovaranje prava Romkinja kroz aktivnosti u oblasti ljudskih prava, socio-ekonomskog osnaživanja i političke participacije.

Implementirane aktivnosti i rezultati: Program ljudskih prava sa fokusom na prava Romkinja: jačanje uključivanja članica u aktivnosti udruženja i usaglašavanje programskih ciljeva sa potrebama korisnika/ica.

Socio-ekonomski program: osnaživanje Roma i Romkinja kroz asistenciju na nivou zajednice i individualnom nivou kako bi ostvarili svoja prava na obrazovanje, zdravlje, život bez nasilja i rodnu ravnopravnost.

Zagovaranje i politička participacija: povećanje vidljivosti projekata i aktivnosti udruženja, te jačanje umreženosti na nacionalnom i regionalnom nivou; uspostava koordinacionih mehanizama za podršku socijalnoj inkluziji romskih zajednica.

Radionica „Briga o sebi“: omogućila osoblju i volonterima da se posvete svom blagostanju i kvalitetu rada kroz aktivnosti usmjerene na brigu o sebi.

Napredak u integraciji Roma i Romkinja kao napredak BiH na putu u EU

Projekat zagovaranja fokusiran je na državne i lokalne institucije, kao i na EU institucije i međunarodne partnere, s ciljem unapređenja položaja romskih žena u Bosni i Hercegovini. Aktivnosti uključuju zagovaranje, monitoring i istraživanja u partnerstvu sa organizacijama žena Roma i ne-Roma te drugim strateškim civilnim organizacijama.

Na osnovu prethodnih analiza i izvora, članice Mreže definisale su ključne prioritete i izradile Strategiju zagovaranja Ženske romske mreže „Uspjeh“ (2024–2027), koja pruža okvir za unapređenje prava romskih žena u okviru politika BiH i EU.

U maju 2025. godine, predstavnica Udruženja „Bolja budućnost“ učestvovala je u sastancima u Briselu sa timom DG ENEST Evropske komisije i predstavnicima Evropske unije za Bosnu i Hercegovinu. Ključne teme uključivale su *trenutnu političku situaciju u Federaciji BiH, nasilje nad ženama, pristup romskih žena uslugama i sigurnim kućama, te osnivanje centara za žrtve seksualnog nasilja*. Tokom sastanaka također je istaknuto *formulisanje novog Akcionog plana za društvenu inkluziju Roma i Romkinja 2026–2030*, s posebnim naglaskom na nedostatak političkog učešća romskih žena na državnom i federalnom nivou.



Podrška radu Mreže

Tokom 2025. godine, vodeća organizacija Ženske romske mreže „Uspjeh“ je nastavila jačati kapacitete i vidljivost mreže kao ključnog mehanizma za zagovaranje prava Romkinja u Bosni i Hercegovini. Aktivnosti su usmjerene na unapređenje organizacijskih kapaciteta članica mreže, njihovo umrežavanje, zajedničko planiranje i provedbu zagovaračkih inicijativa.

Kroz kontinuiranu saradnju sa organizacijama članicama iz Kaknja, Visokog, Prnjavora, i Doboja unaprijedili smo njihovo znanje i vještine u oblasti javnog zagovaranja, lokalne mobilizacije i učešća u procesima donošenja politika. U okviru Programa E, uz podršku CARE-a, sprovedene su aktivnosti vršnjačke edukacije, osnaživanja mladih Romkinja, te radionice za razvoj leaderskih vještina i aktivizma u zajednici.

Mreža je u 2025. godini dodatno ojačala svoj zagovarački rad kroz zajedničke kampanje, analize i dokumente politike, čime je skrenuta pažnja donosiocima odluka na ključne prepreke i potrebe romskih žena. Tokom cijele godine naš doprinos mreži uključivao je:

- podizanje svijesti i javne informisanosti o položaju Romkinja,
- jačanje liderstva, posebno među mladim Romkinjama,
- aktivno zagovaranje prema institucijama na lokalnom i državnom nivou.

Ovim radom, Ženska romska mreža „Uspjeh“ je u 2025. godini dodatno osnažena i pozicionirana kao relevantan akter u oblasti rodne ravnopravnosti i prava Romkinja u BiH.



Fotografija: Članice Ženske romske mreže „Uspjeh“ – juli 2025, Sarajevo

Mapiranje diskriminacije – Istraživanje pojavnih oblika diskriminacije ranjivih grupa u BiH

Tokom 2025. godine, projekat „Mapiranje diskriminacije – Istraživanje pojavnih oblika diskriminacije ranjivih grupa u BiH“ finansiran od Ministarstva za ljudska prava i izbjeglice Bosne i Hercegovine je uspješno implementiran u sedam gradova: Tuzla, Visoko, Kakanj, Travnik, Vukosavlje, Doboj i Bijeljina. Projekat je imao za cilj identifikaciju i analizu različitih oblika diskriminacije s kojima se suočavaju ranjive grupe, uključujući manjine, osobe s invaliditetom, žene i druge marginalizovane zajednice.

Kroz kombinaciju kvantitativnog i kvalitativnog istraživanja, angažovano je sedam anketara koji su prošli obuku za prikupljanje podataka putem strukturiranih upitnika. Uzorak je obuhvatio 700 ispitanika, uz ravnomjernu zastupljenost oba spola, što je omogućilo sveobuhvatno sagledavanje problema diskriminacije i izazova s kojima se ranjive grupe susreću.

Rezultati istraživanja su analizirani i predstavljeni u sveobuhvatnom izvještaju, koji sadrži konkretne preporuke za relevantne institucije, donosioca politika i nevladine organizacije. Podaci prikupljeni kroz projekat pružaju osnovu za razvoj efikasnih politika i mjera za smanjenje diskriminacije u društvu, te doprinose unapređenju prava ranjivih grupa i promjenama u društvenim normama i politikama.

Ovim projektom se značajno doprinijelo stvaranju pravednijeg i inkluzivnijeg društva za sve.

Zdravlje za sve: Unapređenje zdravstvene zaštite Roma i Romkinja u Tuzli

Tokom 2025. godine, Udruženje „Bolja budućnost“ realizovalo je projekat zdravstvene podrške romskoj zajednici u Tuzli, u bliskoj saradnji sa JZNU Dom zdravlja dr. Mustafa Šehović Tuzla. Cilj projekta bio je unapređenje zdravlja i higijenskih uslova romske populacije, te povećanje svijesti o prevenciji zaraznih i nezaraznih bolesti, oralnom zdravlju, te seksualnom i reproduktivnom zdravlju.



Fotografija lijevo: Radionica na temu oralnog zdravlja održana 19.05.2025. godine u Društvenom centru Kiseljak



Fotografija desno: Radionica „Unapređenje seksualnog zdravlja i planiranje porodice“ održana 09.06.2025. godine u Društvenom centru Kiseljak

Ključne aktivnosti i rezultati:

Edukativne radionice: Realizovano 6 radionica u romskim zajednicama Kiseljak i Tuzla (naselja Crvene Njive, Krojčica, Pasci i Šićki Bord), u saradnji sa Domom zdravlja Tuzla i edukatorima Udruženja.

Pristup preventivnim pregledima: Angažovana 2 medijatora koji su animirali 130 članova zajednice da prisustvuju radionicama i obave preventivne preglede; za 30 korisnika nabavljeni lijekovi nakon pregleda.

Unapređenje dijagnostičkih kapaciteta: Nabavka ultrazvučnog aparata za srce u Domu zdravlja Tuzla omogućila je pravovremenu dijagnostiku kardiovaskularnih oboljenja za više od 5.000 građana Tuzle, uključujući oko 500 članova romske zajednice.

Higijenski uvjeti: Distribuirano 100 higijenskih paketa. Provedena dezinfekcija, dezinsekcija i deratizacija u 41 domaćinstvu, čime je smanjen rizik od širenja zaraznih bolesti.

Uticaj projekta: Projekat je osnažio romsku zajednicu kroz edukaciju i angažman medijatora, unaprijedio integraciju u lokalni zdravstveni sistem i doprinio poboljšanju zdravstvenih i higijenskih standarda u zajednici.

Pravo na budućnost

U 2025. godini nastavili smo implementaciju projekta „Pravo na budućnost“ u partnerstvu sa Fondacijom Krila Nade iz Sarajeva i Ženskom romskom mrežom „Uspjeh“.


Kroz projekat je obučeno 11 peer edukatora, koji su sproveli ukupno 225 peer edukacija u Tuzli, Kaknju, Prnjavoru, Visokom i Doboju. Radionice su bile interaktivne prirode i obuhvatile su teme roda, identiteta, zdravih odnosa, seksualnog i reproduktivnog zdravlja, prava te sposobnosti donošenja odluka, koristeći CARE testirani model Program E.

Fotografije: Kampanja u pet gradova BiH, "Neću brak, hoću knjigu!"





Fotografija: Obuka za vršnjačke edukatore



Fotografije: Takmičenje mladih frizera održano 27.12. 2025. godine

Projekt je doprinio jačanju kapaciteta lokalnih romskih organizacija da vode edukacije, podizanju svijesti kod škola, OCD medija i lokalnih vlasti o rizicima dječijih ugovorenih i maloljetničkih brakova, te unapređenju pristupa uslugama za Rome i druge marginalizirane djevojčice.

Aktivnosti su osnažile mlade da prepoznaju i reagiraju na rodno zasnovano nasilje, trgovinu ljudima i diskriminaciju, te su doprinijele jačanju mreža podrške unutar zajednica.

Projekt „Pravo na budućnost“ finansira Evropska unija, a realizira CARE International s Udruženjem žena Romkinja "Bolja budućnost" iz Tuzle i Fondacijom "Kрила nade" iz Sarajeva, uz podršku Action Deutschland Hilfta.

Jačanje romskih nevladinih organizacija u prevenciji i borbi protiv trgovine ljudima

Implementirane aktivnosti projekta su zagovarački sastanci sa predstavnicima institucija na lokacijama u Travniku, Kaknju, Donjem Vakufu i Sanskom Mostu s ciljem formiranja MIT timova na projektnim lokacijama i prenosa dobre prakse MIT tima Tuzla.

Tokom 2024. godine urađena je studija o trgovini ljudima u romskim zajednicama, čiji rezultati pokazuju da na projektnim lokacijama na kojima centri za socijalni rad i predstavnici policije sarađuju sa predstavnicima romske zajednice i posjećuju zajednicu imaju manji procenat sklopljenih dječijih ugovorenih brakova. Rezultati pokazuju da veliki broj ispitanika izričito podržava zabranu dječijih brakova, u općini Kakanj 58%, u Gornjem Vakufu 74%, u Travniku 76%, u Sanskom Mostu 71%, a visoka je zastupljenost onih koji smatraju da bi se trebala smanjiti učestalost dječijih brakova.

Aktivnosti projekta podržane su u okviru Programa zaštite ljudskih prava USAID/INSPIRE.

Aktivnosti su prekinute odlukom predsjednika SAD Donalda Trump-a o prekidanju svih oblika američke inostrane pomoći. Nakon prekida aktivnosti projekta, zahvaljujući zagovaračkim aktivnostima nas i naše partnerske organizacije „Zemlja djece u BiH“, formirani su MIT timovi u Kaknju, Travniku i Donjem Vakufu a očekujemo i u Sanskom Mostu.



Fotografija: Travnik 16.01.2025. godine. Održana jedna od radionica posvećena jačanju romske zajednice u borbi protiv trgovine ljudima

Promovisanje i ostvarivanje prava za socijalno ugrožene kategorije

Nakon provedenih projektnih aktivnosti u periodu 01.06–31.10.2025. godine, na terenu je identifikovano i obuhvaćeno ukupno 81 korisnik/ica. Korisnicima/ama je pružena podrška u različitim oblastima zdravstvene zaštite, pristupa ličnim dokumentima, socijalnim pravima i jačanju kapaciteta kroz edukativne aktivnosti u zajednici.

Održan sastanak sa predstavnicima relevantnih institucija, uključujući Centar za socijalni rad Tuzla, Komisiju za jednakopravnost spolova Gradskog vijeća Tuzla, predstavnice MUP-a TK i predstavnika Zavoda za javno zdravstvo TK. Fokus je stavljen na razmjenu informacija, jačanje saradnje i razmatranje mogućnosti sistemskog uvođenja pomoći u vidu plaćanja taksi za socijalno ugrožene osobe na nivou grada i kantona.

Aktivnosti podržao Grad Tuzla u okviru poziva za Grantove za realizaciju Lokalnog akcionog plana za Rome Grada Tuzla.

Global Fund for women

Udruženje žena Romkinja „Bolja budućnost“ Tuzla nastavilo je unapređivati položaj Romkinja kroz istraživanja i kampanje protiv dječijih i ugovorenih brakova. Podigli smo svijest u zajednici i podržali nadležne institucije u reakciji na ovaj problem. Organizacija doprinosi ženskom pokretu i pokretu za rodnu pravdu kroz podizanje svijesti, razvoj liderstva, zagovaranje politika i jačanje koalicija.

U septembru 2025. održani su sastanci sa članicama Ženske romske mreže radi jačanja mreže i povezivanja zajednica. Grant Global Fund for Women doprinio je vidljivosti organizacije, jačanju kapaciteta i provođenju programa prilagođenih potrebama zajednice. Povećali smo pristup Romkinja prema sferama obrazovanja, zdravstvene zaštite i ekonomskih resursa, te podržali razvoj ženskog liderstva u zajednicama. Kontinuirano radimo na promjeni društvenih normi, rodne ravnopravnosti i jačanju prava marginalizovanih žena.

Fondacija infohouse: „Ekonomsko osnaživanje Romkinja“

Projekt je proveden na području grada Tuzla, sa fokusom na romsku zajednicu u Kiseljaku. Podržali smo dvije naše korisnice koje dolaze iz ugroženih zajednica, jedna od njih je završila svoje srednjoškolsko obrazovanje i dobila stručno zvanje kozmetičara, dok je druga korisnica završni razred Srednje mješovite škole u Tuzli, smjer frizer.

Korisnice smo podržali nabavkom materijala i opreme za rad kako bi u svojim zajednicama mogle pružiti usluge frizera i kozmetičara za žene Romkinje i druge žene iz zajednice, a koje sebi ne mogu priuštiti ove usluge. Ova pomoć zaista mnogo znači jer su nastavile da rade i kod kuće, a jedna od njih opremu koristi i na praksi u salonu u kojemu je obavlja, i navodi da je poboljšala njen rad tokom prakse.

Projekt implementira Fondacija@Infohouse uz finansijsku podršku JT INTERNATIONAL AD SENTA.





Fotografije: Radionica u Društvenom centru Kiseljak održana 10.01.2025. godine

Podrška mladima

U projekt je direktno uključeno 21 mladih (13 djevojaka i 8 mladića), dok je indirektno obuhvaćeno više od 300 osoba kroz dijeljenje stečenih informacija među vršnjacima. Udruženje već godinama radi na promociji romske kulture i očuvanju identiteta, što doprinosi širem dosegu ovih aktivnosti.



Fotografija: Radionica sa mladima – JU Srednja medicinska škola Tuzla – decembar 2025

Saradnja s institucijama i međunarodnim organizacijama je stabilna i podržava kvalitetnu provedbu projekata. Škola u kojoj je projekat realizovan izrazila je veliko zadovoljstvo radionicama, naglasivši da smo prva organizacija koja je ovakav sadržaj donijela učenicima. Pokazana je spremnost za nastavak saradnje, a udruženje ostaje na raspolaganju za buduće aktivnosti.

5. Druge aktivnosti udruženja

Obilježavanje važnih datuma u 2025. godini

Tokom 2025. godine, uz finansijsku podršku Grada Tuzla i OSCE misije u BIH, proveli smo nekoliko važnih aktivnosti vezanih za obilježavanje značajnih datuma za romsku zajednicu.

Obilježavanje 2. augusta – Dana sjećanja na žrtve Holokausta – Samudaripen

I ove godine smo organizovali odlazak u Donju Gradinu kako bismo odali počast žrtvama Holokausta – Samudaripen. Posjetu smo realizovali zajedno sa članicama Ženske romske mreže, našim članicama i omladinom. Tokom posjete obišli smo mjesto stradanja, te položili vijence i cvijeće.



Fotografija: Komemoracija Uštice, Republika Hrvatska–avgust 2025

U prethodnim godinama posjećivali smo i druga važna mjesta sjećanja, poput Aušvica i Uštica, dok smo ove godine nastavili tradiciju posjete Donjoj Gradini, koju provodimo već 13 godina. Predstavnici našeg Udruženja prisustvovali su i komemoraciji u Ušticama, Republika Hrvatska.



Fotografija: Komemoracija Donja Gradina 2025

Obilježavanje 5. novembra – Svjetskog dana romskog jezika

Svjetski dan Romskog jezika obilježavali smo 10 godina unazad. Ove godine, zbog tragičnog događaja koji se desio 04.11.2025. godine u Tuzli, planirane aktivnosti su otkazane te aktivnost Obilježavanje 5. novembra – Svjetskog dana romskog jezika nije realizovana.

Podrška za obrazovanje

Kao što smo i godinama unazad, i ove školske 2025. godine realizovali smo podjelu školskog pribora za ukupno 80 učenika i učenica (44 dječaka i 36 djevojčica) koji redovno pohađaju osnovnu i srednju školu u Gradu Tuzla. Osim školskog pribora, koji sadrži olovke, bojice, ruksake i slične potrebštine, učenike smo podržali i nabavkom mjesečnih autobusnih karti, kao i odjećom i obućom. Ove aktivnosti realizirane su okviru sistema podrške našim korisnicima/ama i vida prevencije napuštanja osnovnog i srednjeg školovanja. Riječ je o djeci iz porodica kojima je podrška u obrazovanju izuzetno potrebna.

Ovom aktivnošću nastojali smo olakšati njihov školski proces, pružiti im motivaciju da budu uspješniji, te potaknuti njihovu posvećenost učenju i postizanju boljih rezultata. Podjela pribora predstavlja važan vid podrške koji direktno doprinosi njihovom obrazovnom uspjehu i jačanju jednakih prilika za svu djecu.

Podjela novogodišnjih paketića

Tokom 2025. godine uspješno smo realizovali i tradicionalnu podjelu novogodišnjih paketića za djecu, aktivnost koju provodimo već niz godina. Zahvaljujući podršci World Visiona u BiH i Gradske uprave Tuzla, obezbijedili smo i podijelili 150 paketića najmlađima iz naše zajednice.

Ova aktivnost unijela je radost i praznični duh među djecu, te im omogućila da osjete pažnju, podršku i toplinu zajednice. Naš cilj je pružiti im trenutke sreće i podržati porodice kojima ovakav vid pomoći mnogo znači.



Fotografija: Podjela novogodišnjih paketića korisnicima/ama

Obilježavanje 25 godina postojanja Udruženja žena Romkinja „Bolja budućnost“

Ove godine Udruženje žena Romkinja "Bolja budućnost" grada Tuzla obilježila je 25 godina posvećenosti, truda i borbe za bolje sutra!

Svaka godina, svaki korak i svaki uspjeh dio su zajedničke priče ispunjene ljudima, a ne brojevima – životima, a ne projektima.

Zahvaljujemo se svima koji su bili dio ovog važnog trenutka, svima koji vjeruju u promjene koje zajedno stvaramo, kao i onima koji su nas podržavali kroz sve ove godine.

Vaša prisutnost, podrška i angažman čine nas snažnijima i motiviraju nas da i dalje radimo na ostvarivanju zajedničkih ciljeva.

Kontinuirano jačamo vlastite kapacitete, kako bi sto bolje pružili usluge našim korisnicima/ama.

Nastavljamo zajedno graditi bolju budućnost!



Fotografije: 25 godina posvećenosti, truda i borbe za bolje sutra!

6. Partnerstva i saradnja

Posebno izdvajamo:

U martu 2025. godine, sastanak s novim **ambasadorom OSCE misije u BiH**, zajedno sa predstavnicama **Ženske romske mreže „Uspjeh“**. Ambasador je naglasio značaj očuvanja jezika, kulture i identiteta romske populacije, kao i vidljivost romkinja u političkoj i društvenoj participaciji.

U septembru posjeta predstavnica **Rockefeller Brothers Fund-a**, s kojima smo ušli u fazu pripreme novog projektnog prijedloga za naredni period.

U decembru 2025. godine, posjeta **predstavnice Delegacije EU iz Brisela, Marte Garcia Fidalgo**, koja je razgovarala s članicama i korisnicima/ama naše organizacije, kao i posjetila romsku zajednicu u Tuzli, pružajući uvid u svakodnevne izazove i planove za budućnost.

Ove aktivnosti dodatno su osnažile saradnju s institucionalnim i međunarodnim partnerima, povećale vidljivost rada udruženja i unaprijedile inkluziju i osnaživanje romske zajednice.

Projekti usmjereni na direktnu podršku zajednici

Ultrazvučni aparat za srce

U saradnji s Ministarstvom za ljudska prava i izbjeglice BiH i Domom zdravlja Tuzla, obezbijeđen je ultrazvučni aparat koji koristi šira zajednica, uključujući romske građane/ke.

Publikacija „Romski identitet, povijest i kultura“

Direktorica Bajramović učestvovala je u izradi publikacije koja će se koristiti u nastavi u Hercegovačko-neretvanskom kantonu, s ciljem smanjenja predrasuda i diskriminacije prema Romima.

Projekat „Pravo na budućnost“

Uz podršku EU i partnerskih organizacija, obučeno je 11 mladih vršnjačkih edukatora iz romskih zajednica, koji su realizovali preko 225 radionica i kampanja u lokalnim zajednicama. Program E doprinio je jačanju liderskih, komunikacijskih i facilitatorskih vještina mladih, te njihovom aktivnom uključivanju u zajednicu.

Zajednički program „Akcelerator rodne ravnopravnosti“

Usmjeren na borbu protiv nasilja nad ženama i djevojčicama, za ekonomsko osnaživanje i povećanje učešća žena u liderstvu. Kroz program je više od 120 učesnika/ca radilo na jačanju koordinacije sistema zaštite i osnaživanju žena.

Nacionalni okrugli stol – „Transformativno obrazovanje“

U oktobru 2025. godine u Tuzli održan je nacionalni okrugli stol pod nazivom „Transformativno obrazovanje: Osnaživanje marginaliziranih žena i djevojaka za bolju budućnost“.

Događaj je organizovan u okviru projekta „Pravo na budućnost“, kojeg finansira Evropska unija u BiH, a implementiraju CARE International, Udruženje žena Romkinja „Bolja budućnost“ Tuzla i Fondacija „Kрила nade“ iz Sarajeva, uz podršku Action Deutschland Hilfe. Projekat je posvećen jačanju glasova romskih žena u političkim i odlučivačkim procesima, borbi protiv nejednakosti i osnaživanju romskih zajednica – posebno mladih žena i djevojaka – kroz razvoj relevantnih vještina i alata za održivi razvoj.

Okrugli stol okupio je stručnjake iz oblasti ljudskih prava, predstavnike nevladinih organizacija, institucija i donosioce odluka kako bi zajednički unaprijedili prevenciju i borbu protiv trgovine ljudima u romskim zajednicama. Učestvovalo je 25 predstavnika relevantnih ministarstava na kantonalnom nivou, Centra za socijalni rad, policijske uprave, te predstavnici nevladinih organizacija koje djeluju na području Tuzlanskog kantona. Poseban fokus bio je na obrazovanju kao preventivnom faktoru, s akcentom na razvoj romskih učenika, posebno djevojčica Romkinja.



Fotografija: Nacionalni okrugli stol, „Transformativno obrazovanje: Osnaživanje marginaliziranih žena i djevojaka za bolju budućnost“; Oktobar 2025. godine

Ovaj događaj dodatno je osnažio saradnju između institucija i civilnog sektora, promovirajući transformativni pristup obrazovanju i osnaživanju marginaliziranih žena i djevojaka u Bosni i Hercegovini.

Organigram UŽR "Bolja Budućnost" Grada Tuzla

